

**STENOGRAM**  
**50. RADNE SJEDNICE SKUPŠTINE KANTONA SARAJEVO**  
**ODRŽANE U ČETVRTAK, 31.03.2022. GODINE**  
**SA POČETKOM RADA U 09,00 SATI**

**Elvedin Okerić (predsjedavajući):**

Otvaram 50. Radnu sjednicu Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i sve one koji prate rad današnje sjednice. Svima nama želim uspješan rad i ugodnu radnu atmosferu.

Sjednici prisustvuje 23 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: zastupnik Jakupović i zastupnik Aljović.  
Kašnjenje najavila zastupnica Arijana Memić.

Prije otvaranja radnog dijela sjednice koristim ovu priliku da čestitam našoj Reprezentaciji u sjedećoj odbojci na odbranjenoj tituli Zlatne Lige Nacija. Posebne čestitke idu našem kolegi i kapitenu muške Reprezentacije Sabahudinu Delaliću kojem dajem riječ da nam se obrati. Izvolite zastupniče.

**Sabahudin Delalić (Poslanik/zastupnik):**

Zahvaljujem predsjedavajući. Moram ustati, hvala vam na iskrenim čestitkama i koristim priliku u ime Reprezentacije i u svoje lično da se prije svega zahvalim svim kolegama u Skupštini, Vladi Kantona, a posebno zahvala ministru Samiru Avdiću koji je čitavo vrijeme bio uz nas i mogu ekskluzivno sada da najavim da smo dobili i organizaciju Svjetskog prvenstva koje će biti u novembru mjesecu u Sarajevu. Još jednom velikom vam hvala a ministru pogotovo jer mislim da njegov razgovor sa čelnicima Svjetske i Europske asocijacije je doprinio da mi dobijemo Svjetsko prvenstvo. Hvala vam.

**Elvedin Okerić (predsjedavajući):**

Još jednom iskrene čestitke. Nastavljamo dalje sa radom sjednice Skupštine Kantona Sarajevo.

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 18.03.2022.godine utvrdio dnevni red, a isti je dopunio na sjednici Kolegija održanoj dana 25.03.2022. godine.

**PRELAZIMO NA UTVRĐIVANJE DNEVNOG REDA DANAŠNJE SJEDNICE.**

Na osnovu naprijed navedenog, Prijedlog dnevnog reda današnje, 50. Radne sjednice, glasi:

1. Poslanička/zastupnička pitanja inicijative i odgovori;
2. Prijedlog Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN-a "Srebrenica";
3. Nacrt Zakona o izmjeni i dopunama Zakona o inspekcijama Kantona Sarajevo;
4. Nacrt Zakona o komunalnoj policiji Kantona Sarajevo;
5. Nacrt Zakona o dopuni Zakona o objavljivanju propisa i drugih općih akata u „Službenim novinama Kantona Sarajevo”.
6. Prijedlog Poslovnika Skupštine Kantona Sarajevo;
7. Prijedlog Odluke o davanju saglasnosti na Finansijski plan Zavoda zdravstvenog osiguranja Kantona Sarajevo za 2022. godinu i Odluku o izvršavanju Finansijskog plana Zavoda zdravstvenog osiguranja Kantona Sarajevo za 2022. godinu;
8. Prijedlog Odluke o dopunama Odluke o preuzimanju prava i obaveza osnivača i usklađivanju organizacije i poslovanja Javne ustanove Zavod za hitnu medicinsku

- pomoć Kantona Sarajevo;
9. Prijedlog Odluke o stavljanju van snage Odluke o utvrđivanju većeg obima zdravstvenih prava, kao i osnovama, kriterijima i mjerilima za ugovaranje po osnovu obaveznog zdravstvenog osiguranja sa zdravstvenim ustanovama sa područja Kantona Sarajevo („Službene novine Kantona Sarajevo“, broj: 37/09);
  10. Prijedlog Odluke o davanju saglasnosti na Program rada Kantonalnog stambenog fonda Sarajevo za 2022. godinu;
  11. Prijedlog Odluke o dopunama Odluke o usvajanju plana restrukturiranja zdravstvene djelatnosti i reorganizacije zdravstvenih ustanova u Kantonu Sarajevo;
  12. Prijedlog Odluke o davanju saglasnosti na Finansijski plan prihoda i rashoda za 2022. godinu Kantonalnog stambenog fonda Sarajevo;
  13. Prijedlog Odluke o davanju saglasnosti na Program rada i Finansijski plan Javne ustanove “Fond Memorijala Kantona Sarajevo” za 2022. godinu;
  14. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji privremenog objekta radi rušenja, između Kanton Sarajevo, Ministarstvo saobraćaja – Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Juzbašić Esadom sa druge strane, u svrhu izgradnje „IX“ transverzale – rondo u ulici Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21);
  15. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji ½ privremenog objekta radi rušenja, između Kanton Sarajevo, Ministarstvo saobraćaja – Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Abazović Elizabete sa druge strane, u svrhu izgradnje „IX“ transverzale – rondo u ulici Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21);
  16. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji privremenog objekta 1 radi rušenja, između Kanton Sarajevo, Ministarstvo saobraćaja – Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Bukva Nermine sa druge strane, u svrhu izgradnje „IX“ transverzale – rondo u ulici Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21);
  17. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji privremenog objekta 2 radi rušenja, između Kanton Sarajevo, Ministarstvo saobraćaja – Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Bukva Nermine sa druge strane, u svrhu izgradnje „IX“ transverzale – rondo u ulici Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21);
  18. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji

privremenog objekta 3 radi rušenja, između Kanton Sarajevo, Ministarstvo saobraćaja – Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Bukva Nermine sa druge strane, u svrhu izgradnje „IX“ transverzale – rondo u ulici Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21);

19. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji privremenog objekta radi rušenja, između Kanton Sarajevo, Ministarstvo saobraćaja - Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Lunja Izete sa druge strane, u svrhu izgradnje „IX“ transverzale - rondo u ulici Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21);
20. Prijedlog Odluke o davanju saglasnosti Ministarstvu unutrašnjih poslova Kantona Sarajevo i Upravi policije Ministarstva unutrašnjih poslova Kantona Sarajevo da mogu kao pojedinačnu nagradu dodijeliti policijskim službenicima pištolj ili revolver te da se policijskim službenicima koji odlaze u penziju dodijeli pištolj kojim su bili zaduženi za vrijeme obavljanja svoje dužnosti;
21. Prijedlog Odluke o davanju saglasnosti Ministarstvu unutrašnjih poslova Kantona Sarajevo i Upravi policije Ministarstva unutrašnjih poslova Kantona Sarajevo da ustupi oružje, za potrebe instalacije stalne postavke u Muzeju genocida Memorijalnog centra Srebrenica - Potočari;
22. Prijedlog odluke o davanju naziva naseljenom mjestu na području Općine Novi Grad Sarajevo MZ "Alipašin Most I";
23. Prijedlog odluke o davanju naziva novoformiranoj ulici u naselju Nova Otoka na području Općine Novi Grad Sarajevo MZ "Buća potok";
24. Prijedlog odluke o preimenovanju naziva A-transferzale po Michaelu Schumacheru na području Općine Novi Grad Sarajevo MZ "Dobrinja A" i MZ "Saraj polje";
25. Izvještaj o radu Kantonalnog tužilaštva Kantona Sarajevo za 2021. godinu;

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Premijer Edin Forto, izvolite imate riječ.

**Edin Forto (premijer):**

Dobar dan svima. Imam samo jednu stvar to je tačka broj 3. Nacrt Zakona o izmjenama i dopunama Zakona o inspekcijama. Povlačim iz tehničkih razloga.

**Elvedin Okerić (predsjedavajući):**

Samo da usvojimo dnevni red, pa onda.

**Edin Forto (premijer).**

Evo ja da kažem pa vi usvojite.

**Elvedin Okerić (predsjedavajući):**

Zamolio bih službu da pripremi anketu a zastupnike da se izjasne. Zaključujem glasanje, molim službu da objavi rezultate.

ZA JE GLASALO 14 ZASTUPNIKA, PROTIV ništa i SUZDRŽANIH 7.

Zastupnik Konaković.

**Elmedin Konaković (Poslanik/zastupnik):**

Sumnja u glasanje. Tražim pojedinačno glasanje. Hvala.

**Elvedin Okerić (predsjedavajući):**

Zamolio bih sekretara da zastupnike prozove pojedinačno.

**Aida Zeković (Sekretar Skupštine):**

Dobro jutro. Molim da se izjasnite.

Aljović Hamed	OPRAVDANO ODSUTAN
Bešlija Vildana	ODSUTNA
Bišćević-Tokić Jasmina	SUZDRŽANA
Čampara Aljoša	ZA
Čelik Mirza	SUZDRŽAN
Delalić Sabahudin	ODSUTAN
Dević Mahir	SUZDRŽAN
Dizdarević Neira	ODSUTNA
Duraković Jasna	ODSUTNA
Handžić Vibor	ZA
Hasagić Amra	SUZDRŽANA
Hasanović Senad	SUZDRŽAN
Hodžić Admela	SUZDRŽANA
Jakupović Vedran	OPRAVDANO ODSUTAN
Junuzović-Kaljić Amra	ZA
Kerla Bibija	ODSUTNA
Konaković Elmedin	ZA
Kristić Danijela	ZA
Marić Zvonko	ZA
Marjanović Damir	ZA
Mekić Amel	ZA
Memić Arijana	OPRAVDANO ODSUTNA
Milavica Sead	ODSUTAN
Nikšić Damir	ZA
Okerić Elvedin	ZA
Pecikoza Fahrudin	ODSUTAN
Pleho Haris	SUZDRŽAN
Poturak Dževad	ODSUTAN
Srna- Bajramović Segmedina	ZA
Stojanović Igor	ZA
Suljević Samir	ZA
Šahman Bilsena	ZA
Viteškić Smiljana	SUZDRŽANA
Vreto Elvis	ZA
Zahiragić Haris	ODSUTAN
Bešlija Vildana	ZA

**Elvedin Okerić (predsjedavajući):**

ZA JE GLASALO 16 ZASTUPNIKA, PROTIV NIŠTA, 8 SUZDRŽANIH.  
KONSTATUJEM DA NEMA POTREBNA VEĆINA DA USVOJIMO DANAŠNJI DNEVNI RED.

Poslovnička intervencija zastupnik Elmedin Konaković.

**Elmedin Konaković (Poslanik/zastupnik):**

Zahvaljujem predsjedavajući. Pošto nisam u prvom obraćanju, želim srdačno da pozdravim sve kolegice i kolege u sali, gledaoce koji putem malih ekrana gledaju današnju emisiju, premijera, Vladu Kantona Sarajevo, sve goste i da nas upozorim na ono što se sada pred nama dešava, a tiče se Poslovnika. Upravo smo oborili dnevni red na kojem je trebalo biti izglasan Finansijski plan ZZO. To je dokument iz kojeg se plaćaju sve obaveze i koji omogućava funkcionalnost cjelokupnog zdravstvenog sistema. Novu sjednicu ne možete zakazati drugačije nego u redovnim procedurama. Dakle želim da obavijestim našu javnost i naravno prije svega zdravstvene radnike šta se upravo desilo u sali Skupštine u kojoj se ovo nikada nije desilo. U ovoj sali 2022 godine se desilo nešto što se nikada nije desilo. Nikada ni jedna opozicija nije oborila dnevni red. A pogotovo ne onaj dnevni red koji se tiče funkcionisanja cjelokupnog sistema. Hoću da vam kažem Poslovnik kaže sljedeće, zna se kako se ovi dokumenti usvajaju. Treba vam nova procedura, treba nam novi Kolegij, novo zakazivanje, i treba nam da shvatimo da narednih 20 dana zdravstvo u Kantonu Sarajevo ne postoji i ne funkcioniše jer se ne može finansirati iz Odluke o privremenom finansiranju koja ističe na današnji dan. Da ne otvaram druge, na političkom nivou, ovu koja se tiče Srebrenice, Zakona i svega drugog. To ću tamo gdje je mjesto, ovdje možda nije mjesto. Samo poslovnički sekretaru i vas i nas. A pogotovo javnosti, pogotovo medije, a pogotovo zdravstvene radnike da upozorimo da danas ovdje ljudi nisu htjeli glasati za dnevni red na kom je Finansijski plan Zavoda. Hvala vam.

**Elvedin Okerić (predsjedavajući):**

Zahvaljujem se zastupniku Konakoviću. Zastupnica Jasmina Bišćević-Tokić.

**Jasmina Bišćević-Tokić (Poslanik/zastupnik):**

Hvala predsjedavajući. Evo pozdravljam i ja sve svoje kolege, ministre u Vladi, građane kraj malih ekrana koji prate današnju sjednicu Skupštine Kantona Sarajevo. Javila sam se na repliku kolegi Konakoviću da kažem da mi u suštini, nema veze, može biti i poslovnička. Kolega Konakoviću, onda niste se trebali ni javljati.

**Elvedin Okerić (predsjedavajući):**

Nemojte replicirati, samo možete poslovničku. Poslovnička, nema veze.

**Jasmina Bišćević-Tokić (Poslanik/zastupnik):**

Upravo sam pošla reći niste trebali ni otvarati jer nema dnevnog reda. Nije tačno ovo što kolega Konaković govori. Mi nismo podržali upravo iz razloga zato što zdravstveni radnici nemaju ni jedan potpisan kolektivni ugovor i Finansijski plan ZZO ne predviđa povećanje niti satnice niti koeficijenata. Pa da ispravim krivi navod također kolege Konakovića, da nije tačno. Mi nećemo podržati dok se ne potpiše ugovor kolektivni radnika u zdravstvu, i dok im se ne poveća satnica. Zahvaljujem.

**Elvedin Okerić (predsjedavajući):**

O svim tim temama mogli smo raspraviti danas na tačkama dnevnog reda kada dođu na red. A ne obarati dnevni red. Zastupnica Amra Junuzović-Kaljić.

**Amra Junuzović-Kaljić (Poslanik/zastupnik):**

Srdačan pozdrav svim uvažanim kolegama koji su danas u Skupštini Kantona Sarajevo, Vladi, premijeru, svima koji nas prate. Ja ću samo ovom prilikom u ime evo zdravstvenih radnika, jer i sama sam zdravstveni radnik, nekoliko decenija u zdravstvenom sistemu Kantona Sarajevo, izraziti jednu ogorčenost i jedan kako bih vam rekla, ovo je zaista jedan korak koji nas sve, zdravstvene radnike odnosno nama šalje jednu vrlo ružnu i tužnu poruku. Zdravstveni sistem je nešto na šta se oslanja zdravlje našeg stanovništva, jedan nemjerljivi i važan resurs u ovom Kantonu Sarajevo. Dakle, ovo je izražavam jedno totalno ogorčenje i frustraciju ovakvim postupkom. Hvala lijepo.

**Predsjedavajući:**

Zahvaljujem se zastupnicima. Nemamo više smisla da diskutujemo, nismo usvojili dnevni red. Oni koji nisu podržali dnevni red neka to sada javno objašnjavaju građanima zbog čega nisu podržali. Hvala vam, prijatno, dobit ćete blagovremeno poziv.